

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 28.03.2021թ.
կայացված ԱՖ591097 որոշումն անփոփոխ, իսկ վարչական բողոքն առանց
բավարարման թողնելու մասին

<< 21 >> 04 2021թ. 7-13- 6508

ք.Երևան

Ճանապարհային ոստիկանության պետ, ոստիկանության գնդապետ
Ե.Կարապետյանս, վերանայելով Սամվել Սողոմոնյանի ՄԴ/28924-21 դիմումի քննարկման
արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Պ.Սևակ փողոցի 8/1 շենքի, 75-րդ բնակարանի բնակիչ Սամվել
Սողոմոնյանը դիմումով խնդրել է բեկանել Ճանապարհային ոստիկանության
վարչական իրավախախտման գործով 28.03.2021թ. կայացված ԱՖ591097
որոշմանը:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 28.03.2021թ. կայացված ԱՖ591097 որոշումը ենթակա է կատարման
հետևյալ պատճառաբանությամբ.

«Կառավարության «Ճանապարհային երթևեկության կանոնները և
տրանսպորտային միջոցների շահագործումն արգելող անսարքությունների ու
պայմանների ցանկը սահմանելու մասին»>> 28.06.2007թ. թիվ 955-Ն որոշման 68-րդ կետի
համաձայն՝ բնակավայրերում տրանսպորտային միջոցների երթևեկությունը թույլատրվում
է 60 կմ/ժ ոչ ավելի արագությամբ:

Վարչական իրավախախտումների վերաբերյալ «Օրենսգրքի 124.4-րդ հոդվածի 2-րդ
մասի համաձայն՝ երթևեկության սահմանված արագությունը 11-30 կմ/ժ-ով գերազանցելը՝
առաջացնում է տուգանքի նշանակում՝ նվազագույն աշխատավարձի քսանապատիկի
չափով:

Ուսումնասիրությամբ պարզվել է, որ 28.03.2021թ. ժամը՝ 12:15-ի սահմաններում
Երևան քաղաքի Իսակովի պողոտայում դիմումատուի կողմից վարած «LEXUS»
մակնիշի 70RX070 հաշվառման համարանիշի ավտոմոբիլը կանգնեցվել է
Ճանապարհային ոստիկանության ուղեկցող սպայական վաշտի 3-րդ սպայական դասակի
տեսուչներ, ոստիկանության կապիտան Ա.Խաչատրյանի և նույն դասակի ավագ տեսուչ,
ոստիկանության մայոր Ս.Շահումյանի կողմից՝ ճանապարհային երթևեկության կանոնի
խախտման համար, այն է՝ վարորդը բնակավայրում երթևեկել է 87 կմ/ժ արագությամբ,
այսինքն՝ հաշվանցելով հնարավոր սխալանքի 10կմ/ժ-ը, գերազանցել է թույլատրելի
արագությունը 17 կմ/ժ-ով:

Վարորդի նկատմամբ կազմվել է վարչական իրավախախտման վերաբերյալ արձանագրություն և համաձայն Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասի՝ կայացվել է ԱՖ591097 որոշումը՝ վերջինիս 20.000 ՀՀ դրամի չափով տուգանելու մասին:

Ճանապարհային ոստիկանության ծառայողների կողմից տրված գրավոր բացատրության համաձայն՝ դիմումատուի կողմից կատարված իրավախախտումը ֆիքսվել է <<Բինար>> տիպի 4527 գործարանային համարի արագաչափ սարքի միջոցով, որից հետո ավտոմոբիլը սահմանված կարգով կանգնեցվել է, ոստիկանության կապիտան Ա.Խաչատրյանը մոտեցել է վարորդին, ներկայացել, հայտնել իրավախախտման բնույթը, կազմել համապատասխան արձանագրություն և կայացրել ԱՖ591097 որոշումը: Վարորդը ծանոթացել է արձանագրությանը հայտնել է իր անհամաձայնությունը և ստացել որոշման օրինակը:

Միաժամանակ ոստիկանության ծառայողները հայտնել, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Ճանապարհային ոստիկանության ծառայողները հայտնել են նաև, որ իրավախախտումը հստակ կատարվել է դիմումատուի կողմից վարած <<LEXUS>> մակնիշի 70RX070 հաշվառման համարանիշի ավտոմոբիլով և տվյալ պահին նշված ավտոմոբիլն է գտնվել գնահատման գոտում, իսկ արագաչափ սարքի ֆիքսած արագությունը չի կարող սխալ լինել, քանի որ <<ԲԻՆԱՐ>> (գործարանային համար 4527, ստուգաչափման վկայական N035669) տեսաֆիքսող սարքը ստուգաչափվել է 15.09.2020թ. ՀՀ Էկոնոմիկայի նախարարության <<Ստանդարտացման և չափագիտության ազգային մարմին>> ՓԲԸ-ի կողմից և ուժի մեջ է 15.09.2021թ.:

Դիմումում նշված հանգամանքների շուրջ պարզաբանումներ տալու նպատակով քաղաքացի Ա.Սողոմոնյանը հրավիրվել է Ճանապարհային ոստիկանություն վերջինս գրավոր բացատրությամբ պնդել է իր դիրքորոշումը և խնդրել է արդյունքների մասին տալ գրավոր պատասխան:

Համաձայն <<Ճանապարհային երթևեկության անվտանգության ապահովման մասին>> օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասով նախատեսված իրավախախտման զանցակազմը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 28.03.2021թ. կայացված ԱՖ591097 որոշումը թողել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Սամվել Սողոմոնյանին և Ճանապարհային ոստիկանության ուղեկցող սպայական վաշտ:



Ե. Կարապետյան